

Una canzone di *Piero Montanaro* vincitrice del Cantapiemonte 1986 nella interpretazione de *I TRE CASTELLI*

## ANDOMA A VIE'

Testo di **PIERO MONTANARO**

Musica di **REMIGIO PASSARINO**

1. Quand le nuit a son pì longhe  
e la fiòca a quata ij pra  
a l'è bel podej trovesse  
tuti ansem come na vòlta  
a fé na bela vijà.

Quand le nuit a son pì longhe  
e la frèid an sara 'n cà  
i è 'l calor dla stiva 'd ghisa  
e 'l parfum ed le rostije:  
pòrt-ne a ca na sacocià....

**Andoma a vijé, a vijé, a vijé**  
**stassèira 's deuv canté, canté, canté.**  
**Doe bote 'd barbera**  
**ch'a s-ciapo fin na pera**  
**ch'a dago l'alegrìa.**

**Andoma a vijé, a vijé, a vijé,**  
**stassèira 's deuv canté, canté, canté.**  
**Doe bote 'd barbera**  
**ch'a s-ciapo fin na pera**  
**ch'a fasso peuj canté...**

2. Quand le nuit a son pì longhe  
e la nebia a scond le ca,  
anvisca 'l sol ed l'amicissia,  
bagna caoda per scaodesse  
a-j fa nen se a spussa 'l fià...

Quand le nuit a son pì longhe  
e le stèile a smijo slà,  
a l'è bel podej trovesse  
tuti ansem come na vòlta  
a fé na bela vijà...

**Andoma a vijé, a vijé, a vijé**  
.....

3. Quand le nuit a son pì longhe  
domje 'nsema na cantà.  
A l'è bel podej trovesse  
tuti ansem come na vòlta  
a fé na bela vijà.  
A l'è bel podej trovesse  
tuti ansem come na vòlta  
a fé na vijà...